

AUGLÝSING

um breytingu á gjaldskrá fyrir Vatnsveitu Akraness nr. 197/1978.

1. gr.

1. gr. gjaldskrárinnar orðist svo:

Almennur vatnsskattur.

Af öllum húseignum og lóðum í lögsagnarumdæmi Akraneskaupstaðar sem virtar eru fasteignamati og liggja við vegi og opin svæði, þar sem vatnsæðar eru, skal greiða árlega vatnsskatt, sem nemur 0.18% af framreiknuðu gildandi fasteignamati eignarinnar hverju sinni.

Breyting þessi er samin og samþykkt af bæjarstjórn Akraness og staðfestist hér með samkvæmt vatnalögum nr. 15/1923 og lögum um aðstoð til vatnsveitna nr. 93/1947 til að öðlast gildi þegar í stað.

Félagsmálaráðuneytið, 2. apríl 1991.

F. h. r.

Berglind Ásgeirsdóttir.

Þórhildur Línadal.

Nr. 154

5. apríl 1991

AUGLÝSING

um fjölda kennslustunda í 1.–10. bekk grunnskóla og skiptingu

þeirra milli námsgreina.

(Viðmiðunarstundaskrá)

1. gr.

Auglýsing þessi kemur í stað auglýsingar nr. 212/1984 um skiptingu kennslustunda milli námsgreina. Auglýsingin gildir frá og með skólaárinu 1991–92 og þar til öðruvísi verður ákveðið.

2. gr.

Heildarfjöldi nemendastunda í 1.–10. bekk grunnskóla skal að lágmarki vera þessi:

1.	2.	3.	4.	5.	6.	7.	8.	9.	10.	bekkur
24	24	24	27	29	32	34	35	35	35	stundir

3. gr.

Nemendastundir skiptast á námsgreinar og námsár eins og sýnt er í töflunni.

Skýringar við töflu:

Um einstakar námsgreinar og námsþætti vísast til aðalnámsskrár grunnskóla frá 1989. Einnig er bent á 19. kafla í aðalnámsskrá sem fjallar um skiptingu og nýtingu tíma í grunnskólum.

Hlutfall greinarflokka er reiknað út frá bundnum stundum samtals.

SKÓLASAFNSKENNSLU (Sbr. 10. gr. c) liður

4. gr.

Lágmark nemendastunda er sá vikulegi kennslustundafjöldi sem hver nemandi á rétt á samkvæmt lögum um grunnskóla.

Stundafjöldi námsgreina og greinaflokka í töflunni sýnir þá lágmarkskennslu sem hver nemandi á rétt á í viðkomandi námsgrein eða greinaflokki.

5. gr.

Ef sérstaklega stendur á t.d. ef ekki fæst kennari í námsgrein eða vegna þess að aðstaða er ekki fyrir hendi og útilokað að ráða bót á því, getur fræðslustjóri heimilað skóla tímabundnar undanþágur frá því að uppfylla þá lágmarkskennslu í námsgreininni sem bundnar stundir segja til um.

Fræðslustjóri getur einnig heimilað að bundnar stundir sem ætlaðar eru námsgrein sem af óviðráðanlegum ástæðum er ekki hægt að kenna, séu notaðar til annarrar kennslu. Slík heimild er ekki veitt tvö ár í röð án þess að fyrir liggi áætlun um hvernig leysa skuli umræddan vanda.

6. gr.

Stundir til ráðstöfunar eru ekki ætlaðar sem skiptistundir.

Hver skóli fyrir sig ákveður hvernig þessum stundum er ráðstafað til kennslu samkvæmt aðalnámskrá grunnskóla.

Stundir til ráðstöfunar eru einkum ætlaðar til kennslu þeirra námsþátta sem greint er frá í 17. kafla aðalnámskrár.

Stundir til ráðstöfunar má einnig nota til að auka kennslu í þeim námsgreinum sem tilgreindar eru í töflunni í 3. gr. Sumir skólar geta t.d. ákveðið að bæta stundum við íslensku, aðrir við listir og verkmenntir, erlend mál eða aðrar námsgreinar.

Mælt er til þess að skólar noti hluta af stundum til ráðstöfunar í umsjónarkjarna handa umsjónarkennurum bekkja til að fjalla með nemendum um námið, tilgang þess og gildi. Æskilegt er að nýta þann tíma einnig til að sinna viðfangsefnum sem ekki eru bundin ákveðnum námsgreinum samanber 17. kafla aðalnámskrár.

Stundir til ráðstöfunar má einnig nota til skólasafnsfræðslu umfram það sem gert er ráð fyrir í 10. grein c) lið eða fyrir 1.–5. bekk.

Í 8. og 9. bekk má verja stundum til ráðstöfunar í valgreinar.

Í 10. bekk eru stundir til ráðstöfunar m.a. ætlaðar til valgreina.

7. gr.

Miða skal við að hlutföll milli námsgreina og greinaflokka séu sem næst því sem sýnt er í töflunni í 3. gr. Hlutföll milli flokka námsgreina í töflunni eru reiknuð út frá samtölu bundinna stunda. Þessum hlutföllum getur skóli breytt með stundum til ráðstöfunar.

8. gr.

Í 10. bekk mynda íslenska, stærðfræði, enska, danska og íþróttir kjarna.

Til viðbótar kjarna velja nemendur minnst 4 vikustundir í samfélagsgreinum (sögu, landafræði, félagsfræði) og/eða náttúrufræði (eðlis- og efnafræði, líffræði).

9. gr.

Úr öðrum valgreinum sem skólinn býður fram velja nemendur 10. bekkjar þar til náð er samtals minnst 35 vikustundum.

Sérstaklega er mælt með því að nemendum standi til boða valgreinar á sviði lista og verkmennta.

10. gr.

Auk þeirra stunda sem talðar eru í 3. gr. hafa skólahverfi stundir til ráðstöfunar sem hér segir:

- a) Í skólahverfum þar sem 12 nemendur eða fleiri eru í bekk (einn aldursflokkur eða fleiri) reiknast stundir til að skipta bekkjardeildum – einkum í verklegri kennslu – eins og hér greinir:

Í 1.–3. bekk 1 vikustund á hverja 24 nemendur.

Í 4.–9. bekk 3,5 vikustundir á hverja 24 nemendur.

Séu nemendur færri en 12 fær skólahverfið ekki skiptistundir samkvæmt þessari grein.

- b) Stundir vegna valgreina í 10. bekk sem reiknast samkvæmt reglunni:

$$\frac{\text{Fjöldi nem. í árgangi}}{17} \text{ — fjöldi deilda} \times 12$$

Stundir til valgreina verða þó aldrei færri en 4 í skólahverfi sem hefur 10. bekk.

- c) Stundir til reglubundins hópnáms í skólasafni undir leiðsögn kennara. Hverjum skóla er reiknuð ein vikustund á hverja 30 nemendur í 6.–10. bekk.

11. gr.

Við ákvörðun fjölda kennslustunda sem ríkissjóður greiðir samkvæmt reglum þessum er miðað við að nemendafjöldi í einstökum bekkjardeildum geti verið mestur

22 nem. í 1. og 2. bekk (23. nem. þýðir að hópurinn telst tveir bekkir),

28 nem. í 3.–10. bekk (29. nem. þýðir að hópurinn telst tveir bekkir),

sbr. ákvæði til bráðabirgða í lögum um grunnskóla 1991.

Í fámennum skólum þar sem aldursflokkar í 1.–8. bekk eru saman í deildum skal miðað við að nemendur í bekkjardeild séu ekki fleiri en hér segir:

8 nem. ef aldursflokkar eru fleiri en fjórir

12 nem. ef aldursflokkar eru fjórir

17 nem. ef aldursflokkar eru þrír

22 nemendur ef aldursflokkar eru tveir.

Í 9. og 10. bekk skal miðað við að deildir séu ekki færri en aldursflokkar þeir sem sækja þessa bekk skólans. Til þess að 9. og 10. bekk verði haldið uppi í skólahverfi mega nemendur í þessum deildum þó ekki vera færri en 12 að meðaltali, nema að fenginni heimild menntamálaráðuneytisins.

12. gr.

Í fámennum skólum þar sem nemendur í 1.–8. bekk eru saman í deildum, skal miðað við að heildarstundafjöldi og innbyrðis hlutföll milli námsgreina séu sem næst því sem segir í 2. og 3. gr.

13. gr.

Kennsluáætlanir skóla samkvæmt reglum þessum skulu staðfestar af fræðslustjóra áður en til framkvæmda kemur.

Menntamálaráðuneytið, 5. apríl 1991.

Svavar Gestsson.

Sólrún Jensdóttir.